

TEZAUUR LITURGIC
15 NOIEMBRIE

ACATISTUL
SF. MUCENICI
GURIE, SAMONA
ȘI AVIV
DE LA
EDESA SIRIEI



TBILISI, 2000



დაუჯდომელი საგალობელი წმიდათა მოწამეთა - გური, სამონ და აბიბოსი

კონდაკი 1

რჩეულნო სასწაულთმოქმედნო ქრისტესნო და
წმიდისა სარწმუნოებისა აღმსარებელნო გური, სამონ
და აბიბო, ზნეკეთილნო, ხსენებისა თქვენისა ქებისა
გალობითა პატივისმცემელნი ვითარცა ქრისტიანთა
მეოხთა და ტანჯულთა მფარველთა და კადნიერების
მქონებელთა წინაშე ღმრთისა, გიგალობთ თქუენ.
ყოვლისა ჭირისა და ზედამოსვლისაგან გვიხსენით
ჩუენ, სარწმუნოებითა და სიყვარულით მხმობელნი
ესრეთ: გიხაროდენ, გური, სამონ და აბიბო,
ქრისტესთვის ტანჯვათა დამთმენელნო და ჩაგრულთა
მფარველნო.

იკოსი 1

ხორცითა ანგელოსნო და სამეებისა წმინდისა სწორნო
რიცხვითა, ღმრთისა მიმართ მხურვალითა
სიყვარულითა კერპნი დაამხენით, სარწმუნოებად
ქრისტესი განამტკიცენით, სამებად წმიდად
განადიდენით, რისთვისცა მაქებელნი ღუაწლისა
თქვენისანი გიხმობთ ესრეთ:

გიხაროდენ, ლაპმარნო ღმრთისმოსაობისანო;
გიხაროდენ, მამხილებელნო უწმინდურებისანო;
გიხაროდენ, განმამტკიცებელნო ქრისტეს
სარწმუნოებისაო;
გიხაროდენ, სვეტნო ღმრთისა ეკლესიისაო;
გიხაროდენ, სასოო და მეოხნო მართალთანო;
გიხაროდენ, ზარდამცემნო და მომწყვლელნო
ორგულთანო;
გიხაროდენ, გური, სამონ და აბიბო, ქრისტესთვის
ტანჯვათა დამთმენელნო და ჩაგრულთა მფარველნო.

კონდაკი 2

ედესისა ქალაქისა ერისა უწმინდურებისა მხილველნი
გური და სამონ უდაბნოსა შინა განერნეს მათ,
ილტვოდნენ მთავრისაგან ამის სოფლისა და
საცდურისა და გულსმოდგინებითა მსახურებდნენ
ღმერთსა, დღისითა და ღამით
მგალობელნი: ალილუია.

იკოსი 2

ბრძენისა გონებისა მქონებელნო წმიდანო მოწამენო,
მარადის მოღუწენო სადიდებელად ღმრთისა,
წარმართთა უწმინდურებისა მამხილებელნო,
სიმართლისა გზასა წარუმართებთ მეძიებელთა
ქეშმარიტებისასა და მრავალთა მერყევსა მოიყვანებთ

ჭეშმარიტისა ღმრთისა მომართ, რისთვისცა გიხმოთ
ესრეთ:

გიხაროდენ, დამნერგველნო ჭეშმარიტისა
ღმრთისთაყვანისცემისაო;

გიხაროდენ, აღმომფხვრელნო დემონთა
მსახურებისაო;

გიხაროდენ, მამხილებელნო წყვდიადისა
უწმიდურებისაო;

გიხაროდენ, დამამხოვლენო საცთურისა კერპთაო;

გიხაროდენ, აღმსარებელნო ჩინებულნო ქრისტესნო;

გიხაროდენ, ლამპარნო მართლმადიდებელისა
სარწმუნოებისაო;

გიხაროდენ, გური, სამონ და აბიბო, ქრისტესთვის
ტანჯვათა დამთმენელნო და ჩაგრულთა მფარველნო.

კონდაკი 3

კურთხეულნი ძალითა მაღლისათა წმიდანი მოწამენი
არა შეუდრკენ მდევნელთა წმიდისა
სარწმუნოებისათა, ნებაჲ უწმიდურისა ანტონიანესი
არად შერაცხეს და სარწმუნოებაჲ ქრისტესი
განადიდეს ხმითა მაღლითა, რისთვისცა დილეგსა
შინა შთაგდებულნი ხმოვდეს ღმრთისა
მომართ: ალილუია.

იკოსი 3

ქრისტეს მიმართ მქონებელნო სარწმუნოებისა
უფროის ანდამატისა მტკიცისა და ძალითა მისითა
აღჭურვილნო, სიმხნით დამთმენელნი იყუენით
საკვრელთა და თვით სიკუდილისაცა, წმიდანო
მოწამენო, ამისთვისცა ესევითარისა მხნებისა
თქუენისა მაქებელნი, გადიდებთ თქუენ ესრეთ:

გიხაროდენ, აღმსარებელნო ჭეშმარიტისა
სარწმუნოებისაო;

გიხაროდენ, მემკვიდრენო ზეცისა სასუფევლისაო;

გიხაროდენ, საქებელნო მოწამეთანო;

გიხაროდენ, ტანჯვათა დამთმენელნო დიდებულნო;

გიხაროდენ, სიმტკიცენო წმიდისა ეკლესიისაო;

გიხაროდენ, განმამშვენებელნო ქრისტიანთა ერისაო;

გიხაროდენ, გური, სამონ და აბიბო, ქრისტესთვის
ტანჯვათა დამთმენელნო და ჩაგრულთა მფარველნო.

კონდაკი 4

მღელვარეთა ზრახვათა აღზავებისა მიერ
შეპყრობილმან უწმინდურმან მეფემან ლიკინიისამან
დევნა მკსინვარედ აღძრა ქრისტიანთა ზედა, ხოლო
შენ, აბიბო ტანჯვათადამთმენელო, არა შეუდერკ მას
და ხმობდი სარწმუნოებითა ქრისტეს ღმრთისა
მომართ: ალილუია.

იკოსი 4

ესმა რა ღწვად შენი მეფეს ლიკინიისასა,
 ღირსადსაწაულთმოქმედო აბიბო და აღმსარებლობად
 მტკიცე სარწმუნოებისა შენისა, გულისწყრომითა
 განძვინებულმან ინება მოკიდინებად შენი, ვითარცა
 წინააღმდგომისა სამეუფოდსა მისისა, ხოლო შენ,
 მხილველმან ესევითარმან, ვნებანი თავს ისხენ და
 ცეცხლითა დაწვად დაითმინე სიხარულითა,
 რისთვისცა განკვირვებულნი დიდითა მხნეებითა
 შენითა, გადიდებთ ესრეთ:

გიხაროდენ, შეუდრეკელო დამცველო ქრისტეს
 სარწმუნოებისაო;

გიხაროდენ, უძლეველო მხედარო ქრისტესო;

გიხაროდენ, ძელსა ზედა დამოკიდებულო
 განმპყრობელისათვის ხელთა თვისთა ჯვარსა ზედა;

გიხაროდენ, დაჭრილო ბრჭყალითა რკინისათაო;

გიხაროდენ, ნუგეშინისმცემელო მწუხარეთაო;

გიხაროდენ, მსწრაფლშემსმენელო ყოველთა
 ჭეშმარიტებისა მომართ მოსწრაფეთაო;

გიხაროდენ, გური, სამონ და აბიბო, ქრისტესთვის
 ტანჯვათა დამთმენელნო და ჩაგრულთა მფარველნო.

კონდაკი 5

ზეცისა მყარსა ზედა ღმრთივმავალსა ვარსკვლავისა
 მობაძავ იქმენით, წმიდანო მოწამენო, ერისა
 უწმინდურებისა განმანათლებელნო და გზისა მომართ
 ჭეშმარიტებისასა მრავალთა მომყვანებელნო,
 ამისთვისცა ღმრთისმოსაობითა პატივისმცემელნი
 ხსენებისა თქუენისა, მადლობით ვუგალობთ
 ღმერთსა: ალილუია.

იკოსი 5

ედესისა ქალაქისა ერმან, მხილველმან მრავალთა
 სასწაულთა, რომელნი იქმნებოდეს ლუსკუმისაგან
 წმიდათა მოწამეთა გური, სამონ და აბიბოსითა,
 ძლიერად განიხარეს და ყოვლითა გულითა
 ადიდებდეს უფალსა და ჩუენცა პატივისმცემელნი
 წმიდისა ხსენებისა თქუენისანი, წმიდანო მოწამენო,
 ღმობიერად გიხმობთ ესრეთ:

გიხაროდენ, მეოხნო უმართლოდ დევნულთაო;
 გიხაროდენ, მეგობარნო ქრისტეს ერთგულთა
 მონათაო;

გიხაროდენ, მფარველნო საკვრელთა და
 საპყრობილეთა შინა მყოფთაო;

გიხაროდენ, განმაბრძნობელნო მდევნელთა და
 მჩაგვრელთაო;

გიხაროდენ, ნუგეშინისმცემელნო მგლოვარეთაო;
გიხაროდენ, დამხსნელნო სიკუდილისაგან
კადნიერისა და სასტიკისაო;
გიხაროდენ, გური, სამონ და აბიბო, ქრისტესთვის
ტანჯვათა დამთმენელნო და ჩაგრულთა მფარველნო.

კონდაკი 6

სიბრძნით მიმღებელნი მაღლით მაღლისათა
განსაცდელსა შინა მყოფთა მეოხ ექმენით,
ყოვლადქებულნო და ყრმაჲ იგი მწარისა
სიკუდილისაგან იხსენით, წმიდანო, ჭემმარიტად
ხაროთ თქუენ დიდებანი ედესისა ქალაქისა და
სიხარული ყოვლისა სოფლისა, რისთვისცა
ვუგალობთ ღმერთსა: ალილუია.

იკოსი 6

მიხსნენ ჩუენ მონობისაგან მტერისა, იესო
ცხოვრებისმომცემელო, მოწამეთა შენთა თხოვითა
გევედრებით, რადთა სულიერთა და ხორციელთა
ვნებათა მონობისაგან ხსნილნი ვაქებდეთ მათსა
მსწრაფლსა შეწევნასა, ვითარცა დედაკაცი იგი ქმრისა
მიერ დაბეჭდული საფლავსა შინა და
მსწრაფლშეცნობითა დასხნილი, მის თანავე გიხმოთ
ჩუენცა ესრეთ:

გიხაროდენ, სიკუდილისაგან დამხსნელნო
უბრალოდსა მის დედაკაცისაო;
გოხაროდენ, მტანჯველთა სიმხეცისა
დამთრგუნველნო საკვირველითა ხსნითა მისითაო;
გიხაროდენ, მამხილებელნო ბოროტისა მის კაცისა
სასტიკისა საქმისაო;
გიხაროდენ, მისთვისცა სარწმუნოებისა და
ქრისტიანთა ღმრთისა სარწმუნოებისა მასწავლელნო;
გიხაროდენ, ჭირვეულთათვის მომცემელნო
წყალობისაო;
გიხაროდენ, დაუძინებელნო მცუელნო სახელისა
თქუენისა მომხსენებელთაო;
გიხაროდენ, გური, სამონ და აბიბო, ქრისტესთვის
ტანჯვათა დამთმენელნო და ჩაგრულთა მფარველნო.

კონდაკი 7

ინება რა კაცთმოყვარემან ღმერთმან წარმოჩინებად
წყალობისა თვისისა წინაშე ერისა თვისისა,
სასწაულთა აღმომაცენებელნი ხორცნი უხრწნელად
დაიცვნა და მათ მიერ ყოველსა ჟამსა კურნებათა
წყაროთა მიემთხვევიან მხმოებელნი
ღმრთისა: აღილუია.

იკოსი 7

ედესისა ქალაქისა ერმან, მხილველმან თქუენმან,
 მეოხთა ახალთა და საკვირველთა
 სასწაულთმოქმედთა, აღაშენეს წმიდაჲ ტაძარი
 მოსახსენებლად თქუენდა და მას შინა დაკრძალეს
 წმიდანი ნაწილნი თქუენნი, რომელნი აღმოუცენებენ
 შეწევნასა ყოველთა ტანჯულთა და ჩუენცა
 მქონებელნი თქვენდა მომართ შეურყეველისა
 სარწმუნოებისანი, ვხმოვთ ესრეთ:

გიხაროდენ, მკურნალნო სულიერთა და ხორციელთა
 წყლულებათა ჩუენთაო;

გიხაროდენ, განმდევნელნო ეშმაკთა სახელითა
 უფლისათაო;

გიხაროდენ, კეთილადმახარებელნო სახიერებისა
 ჭეშმარიტებისაო;

გიხაროდენ, მტვირთველნო ღმრთეებრივისა
 მადლისაო;

გიხაროდენ, სახელისათვის უფლისა მიმთხვეულნო
 მრავალთა მწუხარებათაო;

გიხაროდენ, საკვირველად განბრწყინვებულნო შორის
 წმიდათა მისთაო;

გიხაროდენ, გური, სამონ და აბიბო, ქრისტესთვის
 ტანჯვათა დამთმენელნო და ჩაგრულთა მფარველნო.

კონდაკი 8

საშინელ არს და უცნაურ სმენად ურწმუნოთათვის,
 თუ ვითარ საკვირველნი საქმენი აღესრულებიან
 წმიდათა ნაწილთა თქუენტა მიერ: წყლულნი
 განიკურნებიან, ვნებანი დაიხსნებიან და ჩუენცა
 მქონებელნი შეურყეველისა სასოებისანი თქუენდა
 მომართ და მადლობისა შემწირველნი, გიხმოთ
 სარწმუნოებითა: აღილუია.

იკოსი 8

ყოველთა ქველისმოქმედებითა აღვსებულთა და მათ
 მიერ და ღმრთისა დიდებითა პატივდებულთა,
 შეიწყნარეთ, წმიდანო მოწამენო, ლოცვანი
 მართალთანი, რომელნი პატივს სცემენ წმიდასა
 ხსენებასა თქუენსა და ისმინეთ ხმობანიცა ესე მათნი:

გიხაროდენ, გლაზაკნო სულითა, რამეთუ თქუენი არს
 სასუფეველი ცათა;

გიხაროდენ, მგლოვარენო გულითა, რამეთუ
 ნუგეშინისცემულ იქმენით;

გიხაროდენ, მშვიდნო, რამეთუ დაიმკვიდრებით
 ქუეყანად;

გიხაროდენ, მშიერნო და მწყურვალნო
 სიმართლისათვის, რამეთუ განძელით;

გიხაროდენ, მოწყალენო, რამეთ მოიხვეჭეთ

წყალობად;

გიხაროდენ, წმიდანო გულითა, რამეთუ იხილენით უფალი;

გიხაროდენ, გური, სამონ და აბიბო, ქრისტესთვის ტანჯვათა დამთმენელნო და ჩაგრულთა მფარველნო.

კონდაკი 9

ზედამოსლვანი ყოველნი, მოწავნულნი ედესისა ქალაქსა ზედა, დახსენით, წმიდანო მოწამენო, ნუ დაგვიტევებთ ჟამსაცა ამას ჩუენ მდაბალთა და ცოდვილთა ამათ, არამედ ყოველნი ერნი ამის სამკვიდროდსანი მართლმადიდებლობასა და ერთსა ზრახვასა შინა განამტკიცენით, რადთა ერთითა პირითა და ერთითა გულითა ვხმობდეთ განმადიდებელისა თქუენისა ღმრთისა მიმართ: ალილუია.

იკოსი 9

რიტორნი ენამჭევრნი, ვითარცა თევზნი უხმონი გხედვენ თქუენ, წმიდანო მოწამენო: გულისხმისა ვერმყოფელნი, თუ ვითარ იყვენით სულითა მაღლითა უდაბნოსა შინა, ხოლო დაუძინებელითა ღუაწლისა მოღვაწეობითა ეგენით შორის კაცთა და ჩუენცა მოხარულნი, რამეთუ მოვიხვეჭეთ ესევეითარი

მოძღვარნი და მეოხნი, გადიდებთ თქვენ, მხმოებელნი
ესრეთ:

გიხაროდენ, წინწილანო ღმრთისა სიტყვისანო;
გიხაროდენ, მხურვალნო მეოხნო ჩუენთვის წინაშე
ღმრთისა;

გიხაროდენ, განმანათლებელნო იუდეველთა და
ელინთაო;

გიხაროდენ, მახარებელნო ღმრთეებისა
სამგვამოვანისაო;

გიხაროდენ, მასწავლელნო თვინიერებისა და
თავშეკავებისაო;

გიხაროდენ, მამხილებელნო ცრუთა და მპარავთაო;

გიხაროდენ, გური, სამონ და აბიბო, ქრისტესთვის
ტანჯვათა დამთმენელნო და ჩაგრულთა მფარველნო.

კონდაკი 10

დაღაცათუ ედესისა ქალაქისა ერნი გონიერისა მის
მგლისანი იხსენით და მტკიცედ შთააგონებდით მათ
დადგრომასა ჭემმარიტსა სარწმუნოებასა ზედა, რადთა
არა შეუდრკენ სასჯელსა მტრისასა, არამედ ჟამსა
მწუხარებისა და ზედამოსვლისასა ჰმადლობენ
ღმერთსა, მგალობელნი მისდა: ალილუია.

იკოსი 10

ზღუდე მყარი და საფარველი სანდო ხართ თქვენ,
წმიდანო მოწამენო, ყოველთათვის, რომელნი
თქვენდა მოილტვიან მკედრებელნი
მწრაფლშემწეობისა თქუენისანი, ამისთვისცა
ლმობიერებითა გულისათა ვხმობთ თქვენდა
მომართ:

გიხაროდენ, სიხარულნო ყოველთა მწუხარეთანო;
გიხაროდენ, ნავთსაყუდელნო და მხსნელნო ყოველთა
ჩაგრულთა და პყრობილთანო;
გიხაროდენ, მეოხნო ქვრივთა და ობოლთანო;
გიხაროდენ, ერესთა და განწყუალებათაგან
დამცუელნო;
გიხაროდენ, რამეთუ ყოველნი ცოდვილნი ღუაწლითა
თქუენითა განკვირდებიან;
გიხაროდენ, რამეთუ ღმრთისმოსავნი ყოველნი
ხსენებითა თქუენითა განმხიარულდებიან;
გიხაროდენ, გური, სამონ და აბიბო, ქრისტესთვის
ტანჯვათა დამთმენელნო და ჩაგრულთა მფარველნო.

კონდაკი 11

სამადლობელისა გალობისა შემწირველნი უფლისა
მიმართ, გევედრებით თქვენ, მხურვალენო მეოხნო
ჩუენნო, რადთა არა მარადის განგვეშორნეთ ცოდვათა

ჩუენთათვის, არამედ წყალობად ყოველთა უფლისაგან
ითხოვეთ მაღლობელთა ამათთვის: ალილუია.

იკოსი 11

წმიდათა მოწამეთა სამებისა - სხივცისკროვანისა
განმადიდებელნი, მართალნი, განვერნებით ჩუენ
სასჯელსა და შუღლსა ყოველსა ჟამსა ამის
ცხოვრებისასა, მოვიზღუდნეთ თავნი ჩუენნი
მართლმდიდებლობასა შინა შფოთისა და
განწვალებისაგან და ერთისა სულისა მშვიდობისა
თანა დამმარხველნი სიღრმით გულისათ ვხმობდეთ
ესრეთ:

გიხაროდენ, ხმამაღალნი საყვირნი სახარებისა
უწყებისაო;

გიხაროდენ, ტკბილხმოვანნი ბარბითნი
მაცხოვნებელისა ქადაგებისაო;

გიხაროდენ, სიმართლისათვის მებრძოლნი მტკიცენო;

გიხაროდენ, შეურყეველნი მომსვრელნი სიცრუისანო;

გიხაროდენ, მშვიდობისა და მადლისა მომღებელნი
ზედა ღმრთისმოსავთა ოჯახთაო;

გიხაროდენ, სიმკაცრით დამსჯელნი სასტიკთა და
უსჯულოთა მეუღლეთაო;

გიხაროდენ, გური, სამონ და აბიბო, ქრისტესთვის
ტანჯვათა დამთმენელნი და ჩაგრულთა მფარველნი.

კონდაკი 12

ღმრთისა მიერ თქუენდა მოცემულისა მადლისა მხილველნი ვდღესასწაულობთ ხსენებასა თქუენსა, წმიდანო მოწამენო, მხურვალითა ღოცვითა მოღტოლვილნი მტკიცისა შეწევნისა თქუენისა მომართ, წინაშე პატიოსნისა ხატისა თქუენისა, ვითარცა უბრძოლველისა ზღუდითა დაცულნი, რისთვისცა გაქებთ თქუენ, ქრისტესთვის ტანჯვათადამთმენელნო და გულსმოდგინებითა ვუხმოთ ღმერთსა: ალილუია.

იკოსი 12

მგალობელნი საკვირველისა ცხოვრებისა და მოწამეობრივისა აღსასრულისა თქვენისანი, გვედრებით თქვენ, ქრისტესათვის ტანჯვათადამთმენელნო, გური, სამონ და აბიბო, გვექმენით ჩვენ კეთილად შემწე ყოველსა შინა, გვაკურთხენით ჩუენ მშვიდობითა და სიყვარულითა და მოგვანიჭეთ ჩუენ სარწმუნოებაჲ შეურყეველი, ცხოვრებისა სიწმიდეჲ და შიში ღმრთისაჲ, რადთა ყოველნი რომელნი ვეძიებთ სულიერსა მშვიდობასა, სიხარულით ვხმოვდეთ თქვენდა მომართ:

გიხაროდენ, რამეთუ განდიდდა სახელნი თქუენნი შორის თვით ურწმუნოთასა;

გიხაროდენ, მხუხარეთათვის მომცემელნო
ნუგეშინისცემისა და სიხარულისო;
გიხაროდენ, განმაკვირვებელნო და შემაშინებელნო
მჩაგვრელთაო;
გიხაროდენ, სასტიკისა სიკვდილისაგან დამხსნელნო
დედაკაცისა უბრალოდსაო;
გიხაროდენ, სამართლად დამსჯელნო ბოტორისა
ქმრისა მისისაო;
გიხაროდენ, გური, სამონ და აბიბო, ქრისტესთვის
ტანჯვათა დამთმენელნო და ჩაგრულთა მფარველნო.

კონდაკი 13

ჰოო, წმიდანო ტანჯვათა დამთმენელნო ქრისტესნო
გური, სამონ და აბიბო, შეიწირეთ სადიდებელი
გალობაჲ ესე ჩუენი და შემსმენელთა
გულისმოდგინეთა ვედრებათა ჩუენთა, მხურვალითა
შუამდგომელობითა წინაშე ღმრთისა,
განგვათავისუფლეთ ჩუენ ყოვლისაგან ბოროტისა,
ბრძოლათა და უთანხმოებათაგან და ყოველთა
მძვინვარეთა ჭირთაგან და სნეულებათა, რადთა
სიყვარულთა პატივისმცემელნი თქუენნი, მარადის
ვხმობდეთ ღმრთისა მიმართ: ალილუია.